



**Broj: 01-13/16**  
**Vareš, 28.01. 2016. godine**

**Z A P I S N I K**  
**s 32. sjednice Općinskog vijeća Vareš,**  
**održane 29.12. 2015. godine**

Zdravko Marošević – predsjedavajući Općinskog vijeća Vareš, otvorio je 32. sjednicu s početkom u 10,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Demo Kevrić, Mario Mirčić, Safeta Muftić, Elvir Rožajac, Jasmin Salketić, Zdravko Marošević, Tarik Kovač i Nikola Šimić.

**Odsutni:** Goran Selak i Mato Pavić.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika, ispred Službi organa uprave - gosp. Senad Mahmutović, gosp. Mersad Đido i gops. Dragan Orozović i predsjednici političkih stranaka.

Sekretar OV Leon Pavlović izvjestio je Vijeće o realizaciji Zaključaka i postavljenim vijećničkim pitanjima sa 31. sjednice OV održane 30.11. 2015. godine. Na 31. sjednici OV donijelo je četiri (4) zaključka, dva (2) zaključka su realizovana a dva (2) zaključka su u toku realizacije. Postavljeno je šest (6) vijećničkih pitanja. Na tri (3) vijećnička pitanja nadležni su dostavili pismeni odgovor podnosiocima pitanja, na tri (3) vijećnička pitanja Stručna služba OV nije dobila pismeni odgovor.

Općinski načelnik Kovačević Avdija u okviru aktuelne problematike na području općine Vareš za današnju sjednicu nije imao obraćanje.

***(Vijećnička pitanja)***

**Ismet Abdulahović**

Izrazio je nezadovoljstvo u vezi ne dostavljanja odgovora na postavljena vijećnička pitanja o čemu je dao i pojašnjenje i iznio svoj stav i mišljenje.

1. Traži pismeni odgovor kada je CIK-i BiH upućen dopis za zamjenu mandata vijećnika koji su dali ostavke na mjesto vijećnika u Općinskom vijeću?

## Elvir Rožajac

Ponovo traži odgovor u vezi postavljanja „ležećeg policajca“ na dijelu puta kod MPM pekare, preko puta Osnovne škole.

- Šta je sa ugradnjom prozora na Osnovnoj školi u Ravnama, zašto ništa nije rađeno kada je Ministarstvo osiguralo sredstava i gdje su te pare? O postavljenom pitanju dao je i pojašnjenje.
- Šta je sa stanjem u TRD i kakav je status „Centralne radionice“? O postavljenom pitanju dao je pojašnjenje.

## Demo Kevrić

Nije dobio odgovor na postavljeno vijećničko pitanje na prošloj sjednici i ponovo isto postavlja i traži odgovor za slijedeću sjednicu: Može li OV uputiti dopis menadžmentu TRD Vareš da Vijeće preciznije upozna i informiše o trenutnom stanju u TRD?

- Traži da se iznađu finansijska sredstva za sanaciju lokalnog puta Striježevo-Kokošići? O postavljenom pitanju dao je pojašnjenje. Uputio je pitanje svim vijećnicima: „Kakva je naša funkcija u Općinskom vijeću“? O istom je iznio svoje lično mišljenje.

Predsjedavajući OV stavio je na raspravu Zapisnik sa 2. vanredne sjednice OV.

Nije bilo primjedbi i predsjedavajući OV stavio je na izjašnjanje Zapisnik sa 2. Vanredne sjednice OV, te nakon izjašnjanja vijećnika konstatuje da je **Zapisnik sa 2. vanredne sjednice OV jednoglasno usvojen.**

Predsjedavajući OV stavio je na raspravu Zapisnik sa 31. sjednice OV.

Za riječ se javio vijećnik Zdenko Franjić koji je uz dato pojašnjenje iznio primjedbu na Zapisnik i predložio da se na strani 5. tačka 2. (Nacrt budžeta/proračuna Općine Vareš za 2016. godinu.), iza stava 3. doda rečenica citirajući izlaganje Načelnika u kojoj je Načelnik istakao da je slobodan kazati da zbog očito određenih animoziteta koji vladaju, sve više prelaze u neku vrstu patološke mržnje od strane SDP prema njemu pri čemu je u nastavku rekao da je vijećnik Zdeno klasičan eklatantan primjer jednog neznalice.

Za riječ se javio sekretar OV Leon Pavlović koji je izjavio da je Zapisnik urađen u skladu sa Poslovníkom o radu OV i da je na traženje OO SDP Vareš urađen transkript dijela 31. sjednice OV i isti im je dostavljen.

Predsjedavajući OV Zdravko Marošević u svom obraćanju podsjetio je vijećnike da svi oni mogu tražiti izvod-stenogram iz zapisnika kako bi dobili opširnije informacije ili ostvarili neka svoja prava.

Za riječ se javio vijećnik Ismet Abdulahović koji je uz dato pojašnjenje izrazio nezadovoljstvo na vođenje sjednica na kojima pojedine diskusije vijećnika idu u neželjenom pravcu, skrenuo je pažnju da ako na sjednicama Vijeća dođe do verbalnog konflikta između učesnika u sjednici, da se to treba navesti u zapisnik.

Predsjedavajući OV Zdravko Marošević u svom obraćanju iznio je svoje mišljenje u vezi primjene Etičkog kodeksa i kršenja istog.

Nije više bilo učesnika u raspravi i predsjedavajući OV stavio je na izjašnjanje Zapisnik sa 31. sjednice OV.

Nakon izjašnjanja vijećnika predsjedavajući OV konstatuje da je sa **10 glasova „ZA, 2 glasa „PROTIV“ i 5 „SUZDRŽANIH“ glasova usvojen Zapisnik sa 31. sjednice OV.**

Predsjedavajući OV stavio je na raspravu prijedlog dnevnog reda za 32. sjednicu OV koji je usaglašen na Kolegiju Općinskog vijeća.

Za riječ se javio Općinski načelnik koji je uz dato pojašnjenje predložio dopunu dnevnog reda 32. sjednice sa tačkom 1. Prijedlog Izmjena i dopuna budžeta/proračuna Općine Vareš za 2015. godinu, tačkom 8. Prijedlog Odluke o promjeni statusa nepokretnosti i tačkom 9. Prijedlog Odluke o načinu i uslovima raspolaganja nekretninom zasnivanjem prava građenja, a da se ostale tačke dnevnog reda pomjere za određen redni broj.

Vijećnik Đemo Kevrić u svom obraćanju uz dato pojašnjenje iznio je stav Kluba vijećnika BPS da se Prijedlog Izmjena i dopuna budžeta/proračuna Općine Vareš za 2015. godine ne uvrsti u dnevni red 32. sjednice.

Vijećnik Jasmin Salketić uputio je primjedbu na način vođenja sjednice, odnosno na kršenje Poslovnika o radu OV pojedinih vijećnika u vezi diskusija i dužine trajanja diskusija u raspravi.

Predsjedavajući OV Zdravko Marošević u svom obraćanju dao je odgovor na upućenu primjedbu i iznio svoje mišljenje o istoj.

Zamjenica predsjedavajućeg OV Mahira Brkić ispred Kluba SBB čestitala je Božić građanima koji slave. Izjavila je uz dato pojašnjenje da Klub SBB neće podržati dnevni red, bit će suzdržani.

Nije više bilo učesnika u raspravi i predsjedavajući OV stavio je na izjašnjavanje dopunu dnevnog reda 32. sjednice sa tačkom 1. Prijedlog Izmjena i dopuna budžeta/proračuna Općine Vareš za 2015. godinu.

**Nakon izjašnjavanja vijećnika predsjedavajući OV konstatuje da je sa 10 glasova „ZA“ i 7 „SUZDRŽANIH“ glasova usvojena dopuna dnevnog reda 32. sjednice sa tačkom 1. Prijedlog Izmjena i dopuna budžeta/proračuna Općine Vareš za 2015. godinu.**

Predsjedavajući OV stavio je na izjašnjavanje dopunu dnevnog reda 32. sjednice sa tačkom 8. Prijedlog Odluke o promjeni statusa nepokretnosti, te nakon izjašnjavanja vijećnika konstatuje da je sa **15 glasova „ZA“ i 2 „SUZDRŽANA „ glasa usvojena dopuna dnevnog reda 32. sjednice sa tačkom 8. Prijedlog Odluke o promjeni statusa nepokretnosti.**

Predsjedavajući OV stavio je na izjašnjavanje dopunu dnevnog reda 32. sjednice sa tačkom 9. Prijedlog Odluke o načinu i uslovima raspolaganja nekretninom zasnivanjem prava građenja, te nakon izjašnjavanja konstatuje da je sa **15 glasova „ZA“ i 2 „SUZDRŽANA „ glasa usvojena dopuna dnevnog reda 32. sjednice sa tačkom 9. Prijedlog Odluke o načinu i uslovima raspolaganja nekretninom zasnivanjem prava građenja.**

Predsjedavajući OV stavio je na raspravu prijedlog dnevnog reda za 32. sjednicu sa usvojenom dopunom.

Nije bilo učesnika u raspravi i predsjedavajući OV stavio je na izjašnjavanje prijedlog dnevnog reda za 32. sjednicu sa predloženim i usvojenim dopunama.

**Nakon izjašnjavanja vijećnika predsjedavajući OV konstatuje da je sa 10 glasova „ZA“ i 7 „SUZDRŽANIH“ glasova usvojen s l i j e d e ć i**

#### *D n e v n i r e d :*

- 1. Prijedlog Izmjena i dopuna budžeta/proračuna Općine Vareš za 2015. godinu.**
  - Izvjestilac: Općinski načelnik gosp. Kovačević Avdija
- 2. Prijedlog budžeta/proračuna Općine Vareš za 2016. godinu.**
  - Izvjestilac: Općinski načelnik gosp. Kovačević Avdija
- 3. Prijedlog Odluke o izvršenju budžeta/proračuna Općine Vareš za 2016. godinu**
  - Izvjestilac: Općinski načelnik gosp. Kovačević Avdija
- 4. Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2016. godine.**
  - Izvjestilac: Općinski načelnik gosp. Kovačević Avdija

5. **Prijedlog Odluke o vrijednosti boda komunalne naknade za 2016. godinu**
  - Izvjestilac: Pomoćnik načelnika gosp. Ermin Musa
6. **Prijedlog Odluke o izmjeni Odluke o visini naknade za korištenje građevinskog zemljišta na području općine Vareš.**
  - Izvjestilac: Pomoćnik načelnika gosp. Ermin Musa
7. **Prijedlog Odluke o potvrđivanju rezultata izbora za članove Savjeta MZ Budoželje.**
  - Izvjestilac: gosp. Đido Mersad
8. **Prijedlog Odluke o promjeni statusa nepokretnosti.**
  - Izvjestilac: Pomoćnik načelnika gosp. Ermin Musa
9. **Prijedlog Odluke o načinu i uslovima raspolaganja nekretninom zasnivanjem prava građenja.**
  - Izvjestilac: Pomoćnik načelnika gosp. Ermin Musa
10. **Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2016. godinu.**
  - Izvjestilac: Pomoćnik načelnika gosp. Ermin Musa
11. **Prijedlog Programa rada OV za 2016. godinu.**
  - Izvjestilac: Sekretar OV gosp. Leon Pavlović
12. **Izveštaj o aktivnostima i stanju poljoprivredne proizvodnje na području općine Vareš za 2015. godinu.**
  - Izvjestilac: gosp. Dragan Orozović
13. **Informacija o realizaciji projekata infrastrukture na području općine Vareš u 2015. godinu.**
  - Izvjestilac: Pomoćnik načelnika gosp. Ermin Musa
14. **Informacija o stanju napajanja električnom energijom na području općine Vareš i mjerama na poboljšanju iste.**
  - Izvjestilac: Pomoćnik načelnika gosp. Ermin Musa
15. **Tekuća pitanja.**

#### **Ad. 1.**

*(Prijedlog Izmjena i dopuna budžeta/proračuna Općine Vareš za 2015. godinu.)*

Ispred predlagača Senad Mahmutović dao je dodatno pojašnjenje iznoseći hronološki razloge za izradu ove tačke dnevnog reda.

Otvorena je rasprava u kojoj svoje primjedbe, stavove, pitanja i mišljenja iznijeli vijećnici: Demo Kevrić, Zdenko Franjić, Elvir Rožajac, Mahira Brkić, Ismet Abdulahović i Senad Mahmutović koji je u svom obraćanju odgovorio na postavljena pitanja vijećnika u raspravi koja se odnose na planirana sredstva za volontere, povećanje sredstava za plaće, trošenje sredstava, stvarna dugovanja Općine Vareš i sl. Vijećnik Demo Kevrić javio se za repliku u kojoj je pojasnio svoju diskusiju.

Nije više bilo učesnika u raspravi i predsjedavajući OV stavio je na izjašnjavaње Prijedlog Izmjena i dopuna budžeta/proračuna Općine Vareš za 2015. godinu.

Nakon izjašnjavaња vijećnika predsjedavajući OV konstatuje da su sa **10 glasova „ZA“**, **3 glasa „PROTIV“** i **4 „SUZDRŽANA“ glasa usvojene**

*Izmjene i dopune budžeta/proračuna Općine Vareš za 2015. godinu.*

## **Ad.2.**

*(Prijedlog budžeta/proračuna Općine Vareš za 2016. godinu.)*

Ispred predlagača Senad Mahmutović dao je dodatno pojašnjenje za ovu tačku. Upoznao je prisutne da je u skladu sa Zaključkom sa prošle sjednice Vijeća provedena javna rasprava. Vijećnicima je dostavljen Izvještaj sa sprovedene javne rasprave kao i Izvještaj o prihvaćenim amandmanima na Nacrt budžeta Općine Vareš za 2016. godinu upućenim od strane Kluba BPS. Također je upoznao prisutne da je 28.12.2015. godine dostavljen amandman od strane Udruge „Majka Terezija“ Vareš u kome traže da se u Budžetu Općine Vareš za 2016. godinu planiraju sredstva do 2.000,00 KM za isto Udruženje. U konsultacijama sa Općinskim načelnikom, konstatovano je da se uvrste u Budžet sredstva u iznosu od 2.000,00 KM za Udruženje, sredstva sa stavke „izdaci za putovanje u inozemstvo“ koja su planirana u iznosu od 2.000,00 KM da se prebace na stavku „grantovi za neprofitna udruženja i organizacije“ sa naznakom da su sredstva za Udruženje „Majka Terezija“ Vareš.

Otvorena je rasprava u kojoj su svoje primjedbe, sugestije, stavove, pitanja i mišljenja iznijeli vijećnici: Mario Mirčić, Đemo Kevrić, Jasmin Salketić i Elvir Rožajac. Vijećnik Đemo Kevrić javio se za repliku u kojoj je obrazložio amandman Kluba BPS koji se odnosi na konto za obilježavanje značajnih datuma.

Nije više bilo učesnika u raspravi i predsjedavajući OV stavio je na izjašnjanje Prijedlog budžeta/proračuna Općine Vareš za 2016. godinu sa usvojenim amandmanima.

Nakon izjašnjanja vijećnika predsjedavajući OV konstatuje da **je sa 12 glasova „ZA“, 1 glasom „PROTIV“ i 4 „SUZDRŽANA“ glasa usvojen**

### ***Budžet/proračun Općine Vareš za 2016. godinu.***

## **Ad.3.**

*( Prijedlog Odluke o izvršenju budžeta/proračuna Općine Vareš za 2016. godinu.)*

Ispred ovlaštenog predlagača Senad Mahmutović izvijestio je da nije bilo amandmana na Nacrt ove Odluke, tako da Prijedlog Odluke ostaje u istom tekstu.

Otvorena je rasprava u kojoj su učestvovali vijećnik Đemo Kevrić koji je uz dato obrazloženje zatražio od nadležne Službe da odgovori kada će biti urađen konačan dokument Budžet Općine Vareš za 2016. godinu. U nastavku rasprave su učestvovali Općinski načelnik Avdija Kovačević i Senad Mahmutović koji je na pitanje dao odgovor da će u dokument biti uneseni finansijski pokazatelji iz usvojenog Rebalansa za 2015. godinu, te da će u skladu sa Zakonom isti biti do kraja tekuće godine objavljeni na web stranici Općine Vareš.

Nije više bilo učesnika u raspravi i predsjedavajući OV stavio je na izjašnjanje Prijedlog Odluke o izvršenju budžeta/proračuna Općine Vareš za 2016. godinu.

Nakon izjašnjanja vijećnika predsjedavajući OV konstatuje da **je sa 14 glasova „ZA“ i 3 „SUZDRŽANA“ glasa usvojena**

### ***Odluka o izvršenju budžeta/proračuna Općine Vareš za 2016. godinu.***

Predsjedavajući OV dao je pauzu u trajanju od 45 minuta.

Nastavljeno je sa radom današnje sjednice.

#### **Ad.4.**

*( Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2016. godine.)*

Ovlašteni predlagač Općinski načelnik Kovačević Avdija povukao je ovu tačku sa dnevnog reda jer je usvojen Budžet Općine Vareš za 2016. godinu.

Predsjedavajući OV je konstatovao da je **tačka 4. Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2016. godine povučena sa dnevnog reda na zahtjev ovlaštenog predlagača.**

Općinski načelnik izvijestio je predsjedavajućeg OV i Vijeće da zbog zakazanih i neodloživih službenih obaveza mora napustiti današnju sjednicu. Zahvalio se Vijeću i parlamentarnim strankama na suradnji u 2015. godini i uputio čestitke građanima općine Vareš za Novu godinu.

#### **Ad.5.**

*(Prijedlog Odluke o vrijednosti boda komunalne naknade za 2016. godinu.)*

Komisija za statutarna pitanja i propise na 25. sjednici održanoj 21.12.2015. godine jednoglasno je donijela slijedeći Zaključak:

-Komisija nema primjedbi na tekst prijedloga Odluke o vrijednosti boda komunalne naknade za 2016. godinu, te je upućuje Vijeću na razmatranje.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o vrijednosti boda komunalne naknade za 2016. godinu.

Nakon izjašnjanja vijećnika predsjedavajući OV konstatuje da je **sa 15 glasova „ZA“ i 1 „SUZDRŽANIM“ glasom usvojena**

***Odluka o vrijednosti boda komunalne naknade za 2016. godinu***

#### **Ad.6.**

*(Prijedlog Odluke o izmjeni Odluke o visini naknade za korištenje građevinskog zemljišta na području općine Vareš.)*

Komisija za statutarna pitanja i propise na 25. sjednici održanoj 21.12.2015. godine jednoglasno je donijela slijedeći Zaključak:

-Komisija nema primjedbi na prijedlog Odluke o izmjeni Odluke o visini naknade za korištenje građevinskog zemljišta na području općine Vareš, te istu upućuje Vijeću na razmatranje.

Nije bilo učesnika u raspravi i predsjedavajući OV stavio je na izjašnjanje Prijedlog Odluke o izmjeni Odluke o visini naknade za korištenje građevinskog zemljišta na području općine Vareš.

Nakon izjašnjanja vijećnika predsjedavajući OV konstatuje da je **jednoglasno (16 glasova „ZA“) usvojena**

***Odluka o izmjeni Odluke o visini naknade za korištenje građevinskog zemljišta na području općine Vareš.***

#### **Ad.7.**

*(Prijedlog Odluke o potvrđivanju rezultata izbora za članove Savjeta MZ Budoželje.)*

Komisija za statutarna pitanja i propise na 25. sjednici održanoj 21.12.2015. godine jednoglasno je donijela slijedeći Zaključak:

-Komisija nema primjedbi na prijedlog Odluke o potvrđivanju rezultata izbora za članove Savjeta MZ Budoželje s tim da se u preambuli iste odluke iza broja „49/06“ doda riječ i broj „i 51/09“, te istu upućuje Vijeću na razmatranje.

Nije bilo učesnika u raspravi i predsjedavajući OV stavio je na izjašnjanje Prijedlog Odluke o potvrđivanju rezultata izbora za članove Savjeta MZ Budoželje.

Nakon izjašnjanja vijećnika predsjedavajući OV konstatuje da je **jednoglasno (16 glasova „ZA“) usvojena**

***Odluka o potvrđivanju rezultata izbora za članove Savjeta MZ Budoželje.***

#### **Ad.8.**

*(Prijedlog Odluke o promjeni statusa nepokretnosti.)*

Nije bilo učesnika u raspravi i predsjedavajući OV stavio je na izjašnjanje Prijedlog Odluke o promjeni statusa nepokretnosti.

Nakon izjašnjanja vijećnika predsjedavajući OV konstatuje da je sa **15 glasova „ZA“ i 1 „SUZDRŽANIM“ glasom) usvojena**

***Odluka o promjeni statusa nepokretnosti.***

#### **Ad.9.**

*(Prijedlog Odluke o načinu i uslovima raspolaganja nekretninom zasnivanjem prava građenja.)*

Otvorena je rasprava u kojoj su iznijeli stavove i mišljenja vijećnici Elvir Rožajac i Ismet Abdulahović.

Nije više bilo učesnika u raspravi i predsjedavajući OV stavio je na izjašnjanje Prijedlog Odluke o načinu i uslovima raspolaganja nekretninom zasnivanjem prava građenja.

Nakon izjašnjanja vijećnika predsjedavajući OV konstatuje da sa **9 glasova „ZA“, 5 glasova „PROTIV“ i 2 „SUZDRŽANA“ nije usvojena**

***Odluka o načinu i uslovima raspolaganja nekretninom zasnivanjem prava građenja.***

#### **Ad.10.**

*(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2016. godinu.*

Otvorena je rasprava u kojoj su učestvovali vijećnici: Đemo Kevrić, Tajiba Brkić i pomoćnik načelnika Ermin Musa koji je dao pojašnjenje na postavljeno pitanje vijećnika Đeme Kevrić u vezi cijena koštanja asfalta.

Zaključena je rasprava i predsjedavajući OV stavio je na izjašnjanje Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2016. godinu.

Nakon izjašnjanja vijećnika predsjedavajući OV konstatuje da je sa **15 glasova „ZA“ i 1 „SUZDRŽANIM“ glasom usvojen**

***Zaključak o davanju saglasnosti na Program rekonstrukcije, izgradnje i obnove lokalnih cesta za 2016. godinu.***

## Ad.11.

(Prijedlog Programa rada OV za 2016. godinu.)

Sekretar OV dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali:

Vijećnik Jasmin Salketić *predložio je da se u Program rada OV za 2016. godinu u period januar-mart uvrsti obilježavanje Dana nezavisnosti BiH, period april-juni uvrsti obilježavanje Dana Srebrenice i učešće u Maršu mira i za period oktobar-decembar da se uvrsti obilježavanje Dana državnosti BiH,*

Mersad Đido *predložio je da se tačka 17. „Informacija o stanju kulture i sporta na području općine Vareš s osvrtom na rad kulturnih i sportskih udruženja“ i tačka 44. „Informacija o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta“, spoji u jednu tačku koja bi glasila: „Informacija o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta, te stanju kulture i sporta na području općine Vareš.“*

Sekretar OV Leon Pavlović u svom obraćanju, a na osnovu prijedloga gosp. Mersada Đide, izjavio je da nema potrebe da se navedene tačke razmatraju kao jedna, jer na području općine Vareš postoje NVO čije se centrale nalaze u Sarajevu ili negdje drugo. Kad su u pitanju prijedlozi vijećnika Jasmina Salketić za obilježavanje državnih praznika podsjetio je prisutne na Odluku, koju je Vijeće donijelo, o načinu obilježavanja međunarodnih i državnih praznika u općini Vareš i o istoj dao pojašnjenje.

Vijećnik Ismet Abdulahović podržava prijedlog vijećnika Jasmina Salketić. *Predložio je da se u Program rada OV u I kvartalu doda tačka 18. „Svečana sjednica povodom 1. marta Dana nezavisnosti BiH“, o čemu je dao i pojašnjenje. Zatražio je da se Vijeće izjasni o iznesenom prijedlogu kao i o prijedlogu da se u IV kvartal doda tačka „Svečana sjednica povodom obilježavanja 25. 11. Dana državnosti BiH“.*

Predsjedavajući OV Zdravko Marošević na osnovu iznesenih prijedloga i pojašnjenja Odluke od strane sekretara OV, iznio je mišljenje da se treba pristupiti izmjeni Odluke o načinu obilježavanju međunarodnih i državnih praznika, o čemu je dao i pojašnjenje.

Vijećnik Jasmin Salketić javio se za riječ i dao pojašnjenje u vezi svoje diskusije po ovoj tački dnevnog reda.

Za repliku na izlaganje vijećnika Ismeta Abdulahović javio se vijećnik Mario Mirčić. Vijećnik Ismet Abdulahović javio se za riječ i ponovo iznio svoje mišljenje u vezi iznesenog prijedloga.

Predsjedavajući OV Zdravko Marošević još jednom je citirao dio Odluke o načinu obilježavanju međunarodnih i državnih praznika u općini Vareš, koji se odnosi na odredbe u vezi podnošenja prijedloga za održavanje svečane sjednice, te iznio mišljenje o istom.

Sekretar OV Leon Pavlović *predložio je da izneseni prijedlozi vijećnika Jasmina Salketić i Ismeta Abdulahović budu prijedlog za izmjenu Odluke o načinu obilježavanja međunarodnih i državnih praznika i da se isti uputi Općinskom vijeću.* Predložio je da Vijeće usvoji Prijedlog Programa rada OV za 2016. godinu uz sugestiju Klubu SDA i Klubu BPS da što hitnije upute inicijativu za izmjenu navedene Odluke.

Vijećnik Ismet Abdulahović javio se za riječ i prihvatio prijedlog sekretara OV, te podsjetio prisutne da je prošle godine amandmanski djelovao na Program u vezi obilježavanja državnih praznika.

Za riječ se javio sekretar OV koji je dao pojašnjenje u vezi izrade Programa rada OV.

Vijećnik Asmir Čizmo *predložio je da se tačka „Informacija o zdravstvenom stanju stanovništva i organizaciji zdravstva na području općine Vareš koja je planirana u Programu za period april-juni, premjesti za period januar-mart,* o istom je dao pojašnjenje.

Vijećnik Đemo Kevrić u svom obraćanju dao je osvrt na Informaciju o postignutom uspjehu učenika.

Sekretar OV dao je odgovor i pojašnjenje u vezi diskusije i prijedloga vijećnika Asmira Čizme i Đeme Kevrić.



Nije više bilo učesnika u raspravi i predsjedavajući OV je na osnovu rasprave stavio na izjašnjanje Prijedlog Programa OV za 2016. godinu uz napomenu da svi koji imaju potrebu mogu uputiti inicijativu ili prijedloge Stručnoj službi OV koji će biti razmatrani i predloženi Općinskom vijeću.

Nakon izjašnjanja vijećnika predsjedavajući OV konstatuje da sa **8 glasova „ZA“ i 7 „SUZDRŽANIH“ glasova nije usvojen**

***Prijedlog Programa rada OV za 2016. godinu.***

**Ad.12.**

*(Izveštaj o aktivnostima i stanju poljoprivredne proizvodnje na području općine Vareš za 2015. godinu.)*

Otvorena je rasprava u kojoj su svoja primjedbe, mišljenja i stavove iznijeli vijećnici: Demo Kevrić, Mario Mirčić i Elvir Rožajac.

Nije više bilo učesnika u raspravi i predsjedavajući OV stavio je na izjašnjanje Izveštaj o aktivnostima i stanju poljoprivredne proizvodnje na području općine Vareš za 2015. godinu.

Nakon izjašnjanja vijećnika predsjedavajući OV konstatuje da je **jednoglasno (15 glasova „ZA“) usvojen**

***Izveštaj o aktivnostima i stanju poljoprivredne proizvodnje na području općine Vareš za 2015. godinu.***

**Ad.13.**

*(Informacija o realizaciji projekata infrastrukture na području općine Vareš u 2015. godini.)*

Nije bilo rasprave po ovoj tački dnevnog reda i predsjedavajući OV konstatuje uz zaključak da je **Vijeće primilo k znanju**

***Informaciju o realizaciji projekata infrastrukture na području općine Vareš u 2015. godini.***

**Ad.14.**

*(Informacija o stanju napajanja električnom energijom na području općine Vareš i mjerama na poboljšanju iste)*

Otvorena je rasprava u kojoj su iznijeli svoje primjedbe i mišljenja vijećnici: Elvir Rožajac, Demo Kevrić (zatražio je da se ponovo uputi dopis Elektrodistribuciji PJ Vareš da se izvrši rekonstrukcija niskonaponske mreže u MZ Striježevo kao i svim drugim mjesnim zajednicama gdje postoji potreba) i predsjedavajući OV Zdravko Marošević koji je u svom obraćanju dao osvrt i kritiku na nedolazak predstavnika Elektrodistribucije poslovnih jedinica Vareš.

Nije više bilo rasprave po ovoj tački dnevnog reda i predsjedavajući OV konstatuje uz zaključak da je **Vijeće primilo k znanju**

***Informaciju o stanju napajanja električnom na području općine Vareš i mjerama na poboljšanju iste.***

## Ad.15.

(Tekuća pitanja.)

1. Predsjedavajući OV upoznao je prisutne da je Općinskom vijeće, na osnovu Zaključka Vijeća broj: 01-181/15 od 30.11.2015. godine kojim je data suglasnost za provođenje postupka dodjele koncesije za korištenje izvora „Radakovica“ MZ Borovica, općina Vareš, dostavljen Zahtjev od Ministarstva za poljoprivredu, šumarstvo i vodoprivredu Ze-do kantona, broj: 05-25-6786-2/15 od 14.12.2015. godine za imenovanje predstavnika lokalne zajednice u Komisiju za koncesije.  
Ispred ovlaštenog predlagača Ermin Musa pomoćnik načelnika predložio je da predstavnik bude vijećnik Nikola Šimić obzirom da je sa područja MZ Borovica.  
Nije bilo rasprave po iznesenom prijedlogu i predsjedavajući OV stavio je na izjašnjavanje prijedlog za imenovanje predstavnika, te nakon izjašnjavanja konstatuje **da je sa 14 glasova „ZA“ i 1 „SUZDRŽANIM“ glasom usvojen**  
- **Zaključak o imenovanju gosp. Nikole Šimić za predstavnika Općine Vareš za učešće u radu Komisije za koncesije Ze-do kantona u postupku dodjele koncesije za korištenje izvora „Radakovica“, MZ Borovica općina Vareš.**
2. Predsjedavajući OV upoznao je prisutne da je Općinskom vijeću od strane JU Dom zdravlja Vareš, upućena Molba za finansijsku pomoć zamjene fasade stolarije na zgradi Doma zdravlja Vareš, broj:22-20-1282/15 od 16.12.2015. godine. Također je upoznao prisutne da je na Kolegiju OV Općinski načelnik izvijestio prisutne članove Kolegija da je Dom zdravlja osigurao potrebna sredstva i da je taj projekat završen.  
Otvorena je rasprava u kojoj su učestvovali vijećnici: Elvir Rožajac, Mahira Brkić i Mario Mirčić.  
*Predsjedavajući OV nakon rasprave je konstatovao da je sa dopisom upoznat i Općinski načelnik i da on i nadležna služba pristupe rješavanju istog.*
3. Predsjedavajući OV upoznao je prisutne sa Zahtjevom za rješavanje problema pasa lualica u okolini Osnovne škole „Vareš“ i u Varešu od 08.12.2015. godine, upućenim od strane Vijeća roditelja OŠ „Vareš“. Općinski načelnik upoznat je sa Zahtjevom Vijeća roditelja.  
*Predsjedavajući OV je konstatovao da je Vijeće jednoglasno zadužilo Općinskog načelnika i nadležne službe da pokušaju zajedno sa roditeljima iznaći rješenje u vezi navedenog problema.*
4. Predsjedavajući OV upoznao je prisutne sa Informacijom o realizaciji projekata „Plan upravljanja otpadom“ broj: 850-12/015 od 21.12.2015. godine dostavljenom od strane JKP d.o.o. Vareš.
5. Predsjedavajući OV upoznao je prisutne sa Prijedlogom za izmjene i dopune Poslovnika o radu OV Vareš upućenim od strane vijećnika Elvira Rožajac i Boška Andrić.  
*Predsjedavajući OV je konstatovao da je Vijeće jednoglasno zadužilo Stručnu službu OV i Komisiju za statutarna pitanja i propise da se očituju po podnesenom prijedlogu-inicijativi i o istom obavijeste Vijeće.*
6. Vijećnik Đemo Kevrić zatražio je odgovor od Stručne službe OV ili pomoćnika načelnika Ermina Muse- da li se pojedinim vijećnicima izvršila isplata sredstva za naknade vijećnika u vidu akontacije.
7. Vijećnik Mario Mirčić u ime pojedinih zaposlenika TRD traži informaciju o realizaciji zaključaka sa sastanka održanog u Zenici na kome se razmatrala problematika TRD. O istom je dao pojašnjenje.  
Otvorena je rasprava u kojoj su iznijeli svoja mišljenja i sugestije vijećnici: Elvir Rožajac, Đemo Kevrić i predsjedavajući OV Zdravko Marošević.

Predsjedavajući OV u svoje lično ime i u ime Općinskog vijeća Vareš uputio je čestitke građanima općine Vareš za Novu godinu.

Sastavni dio ovog Zapisnika je audio zapis sjednice.

Sjednica je završena u 14,25 sati.

***SEKRETAR***

**Leon Pavlović**

***ZAPISNIČAR***

**Azra Ibrahimović**

***PREDSJEDAVAJUĆI  
OPĆINSKOG VIJEĆA***

**Zdravko Marošević**